

UNTUK EDARAN SEGERA



**KENYATAAN MEDIA
KEMENTERIAN PENDIDIKAN MALAYSIA**

**PENJELASAN MENGENAI PENGOPERASIAN INSTITUSI
PENDIDIKAN BAWAH KEMENTERIAN PENDIDIKAN MALAYSIA
BAGI SESI PERSEKOLAHAN PENGGAL 3, 2021/2022 DI NEGERI
KELANTAN DAN SARAWAK**

Kementerian Pendidikan Malaysia (KPM) ingin merujuk kepada pertanyaan yang diterima mengenai pengoperasian institusi pendidikan bawah KPM bagi Sesi Persekolahan Penggal 3, 2021/2022 di negeri Kelantan dan Sarawak yang akan beralih ke fasa 4 Pelan Pemulihan Negara (PPN) berkuat kuasa pada 3 Januari 2022. Pertanyaan yang diterima adalah susulan daripada kenyataan media KPM pada 31 Disember 2021.

Sepertimana yang diumumkan oleh KPM dalam kenyataan media tersebut, ketetapan pengoperasian institusi pendidikan bawah KPM bagi Sesi Persekolahan Penggal 3, 2021/2022 adalah melibatkan institusi pendidikan bawah KPM seluruh negara, termasuklah di negeri Kelantan dan Sarawak.

Oleh yang demikian, pengoperasian institusi pendidikan bawah KPM akan bermula pada 9 Januari 2022 bagi negeri Kelantan dan pada 10 Januari 2022 bagi negeri Sarawak. Pengoperasian dan kehadiran murid adalah mengikut ketetapan yang telah diumumkan melalui

kenyataan media KPM pada 31 Disember 2021. Ketetapan ini dibuat setelah mengambil kira kesediaan institusi pendidikan di Kelantan dan Sarawak untuk memulakan pengoperasian mengikut tarikh pembukaan sekolah tersebut.

Bagi institusi pendidikan di negeri Kelantan dan Sarawak yang terlibat dengan banjir atau dijadikan Pusat Pemindahan Sementara (PPS), KPM akan mengeluarkan maklumat lanjut mengenai pengoperasian institusi terlibat pada 3 Januari 2022, setelah mengambil kira kesediaan untuk beroperasi.

KPM juga menyarankan agar ketetapan ini turut terpakai di semua institusi pendidikan yang tidak berdaftar dengan KPM, termasuk institusi pendidikan bawah kerajaan negeri.

KPM sentiasa komited untuk terus melakukan yang terbaik.

-TAMAT -

KEMENTERIAN PENDIDIKAN MALAYSIA

1 JANUARI 2022